

– Gotovo siyom!

Beshtes ki patika ekhe kashteste.

– Ka paraav, ka pekas, ka has!

Geli othe i lamyanda deres. Ov ukisto ko kasht daratar.. Beshto te hlel pes. Ekh pusto garagashka geli palal leste. Sar hlelas pes i garagashka – hop! Astardyas la. Uhisto tele. Hay beshto. I lame avla.

– So be! So astardyan?

– Nishto! Nishto na nakhlo!

– Ay! Sar na nakhlo, be?

– A kavka nakhlo, be! Astardyam les.

– Brey! Kava orelos astardyas! Kay astardyan la?

– Mi nakhlo atar kava upral thay me astardynom les.

Ov na phel, chi karagachka astardyas, ami phela chi si orelos.

– Emi, mishto! Mishto, de! Ayde, tu le kala duy bare disages te pheres les pani.

Ov gelo ki chvshma. Ni pani pherela, ni nishto. I lame zhadnosayli paneske.

– Ach te zhav te dikhav kuvka so kerela, be!

Ki cheshma gelo. Phela:

– A, be! Hayde be! So keresa?

– Achhyov, lamiye! Pani pherav! Ama zhava zhi kutka, lichkinaa les.

– Ey! Ach! An ta mande!

Pherdyas len pani i lame i ingelela len ko but bare disages. Odova taman alo zhi othe.

– Dzhanes li? An te piyas hari pani!

– Nash! Ka izpies o pani, ta pale te dzhav te pherav!

A o bare kisyaz izpiena li pes? Geldyas o pani i lame. Phela:

– Ayde!

– So?

– Te khidas kashta te pekas.

– Ayde, be!

I lame phagyarela, phagyarela. Ovda nashti te phagel ekh kasht. Leske zhebate isi thava. Lel, phandel e kashta thaventsa.

– Oti phandesava?

– Me ka beshav tuke ekh po ekh kasht te khidav tuke!

Ov lela te tsidel.

– Ma! Muk, ka aven kiya dasa ka mudaren amen!

– Sar ka mukav? Kamarate ka tsidav!

– Ma! Ma! Ma! Me ka khidav kashta!